



**[eduresourceza.com](http://eduresourceza.com)**



Downloaded from eduresourceza.com

# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**KREITI YA 12**

**SEPEDI LELEME LA GAE (HL)**

**LEPHEPHE LA BORARO (P3)**

**DIBATSELA 2021**

**TLHAHLO YA GO SWAYA**

**MEPUTSO: 100**

**Palomoka ya matlakala ke 9.**

**ELA HLOKO:**

- Diriša rubriki ye ge o swaya ditaodišo (Lephephe la 3, KAROLO YA A).
- Meputso ya 0–50 e arotšwe ka magato a mahlano a ditlhalošo.
- Mo go diteng, polelo le mongwalelo, le legato le lengwe le le lengwe la magato a ditlhalošo a mahlano le arotšwe ka dikarolwana tše pedi, e lego legato la godimo le la fase go lebeletšwe kabo ya meputso le ditlhalošo.
- Sebopego ga se sa arolwa ka legato la godimo le la fase.

**KAROLO YA A: RUBRIKI YA GO SWAYA DITAODIŠO [MEPUTSO YE 50]**

| Dinyakwa                                                                                                                                                                             |                         | Bokgoni bja go ikgetha                                                                                                                                                                                                                                                                     | Bokgoni bja maemo                                                                                                                                                                                     | Bokgoni bja magareng                                                                                                                                                                                                                            | Bokgoni bja motheo                                                                                                                                                           | Ga go bokgoni                                                                                                                                                                              |
|--------------------------------------------------------------------------------------------------------------------------------------------------------------------------------------|-------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------|
| <b>DITENG LE PEAKANYO</b><br>(Go araba dipotšišo)<br>Tatelano ya dikgopolo ge go dirwa peakanyo<br>Temogo ya morero, baamogedi ba tshedimošo le dikamano<br><br><b>MEPUTSO YE 30</b> |                         | <b>28–30</b>                                                                                                                                                                                                                                                                               | <b>22–24</b>                                                                                                                                                                                          | <b>16–18</b>                                                                                                                                                                                                                                    | <b>10–12</b>                                                                                                                                                                 | <b>4–6</b>                                                                                                                                                                                 |
|                                                                                                                                                                                      | <b>Legato la godimo</b> | -Bokgoni bja go araba potšišo ke bja maemo a godimodimo go fetiša.<br>- Dikgopolo tša go laetša bohlae, tša go hlohla mabjoko tšeo di tšweletšago tsebo ye e tseneletšego.<br>-Peakanyo le tlemagano ke tšeo di ikgethilego mo go matseno, mmele le mafetšo.                               | -Potšišo e arabilwe gabotsebotse.<br>-Dikgopolo di kgahliša kudu ebile di sepelelana le hlogo/sererwa.<br>-Peakanyo le tlemagano ya dikgopolo ke tše dibotsebotse mo go matseno, mmele le mafetšo.    | -Karabo e a kgotsofatša.<br>-Dikgopolo di tlemagane ebile di a kgodiša.<br>-Peakanyo le tlemagano ya dikgopolo ke tše dikaone mo go matseno, mmele le mafetšo.                                                                                  | -Tlemagano ya dikgopolo ga se ya maleba.<br>-Dikgopolo ga di tšwelele gabotse ebile ga di bontšhe boithamelolo.<br>-Tatelano le tlemagano ya dikgopolo di tšwelela gannyane. | -Molekwa o tšwele tseleng kudukudu.<br>-Dikgopolo di hlakahlakane ebile ga di nepiše.<br>-Dikgopolo ga di nepiše hlogo ebile di a ipoeletša.<br>-Ga go tatelano le tlemagano ya dikgopolo. |
|                                                                                                                                                                                      | <b>Legato la fase</b>   | <b>25–27</b><br>-Bokgoni bja go araba potšišo ke bja maemo a godimodimo.<br>-Dikgopolo tša go laetša bohlae, tša go hlohla mabjoko tšeo di tšweletšago tsebo ye e tseneletšego.<br>-Bokgoni bja maemo a godimo bja go beakanya le go tlemaganya dikgopolo mo go matseno, mmele le mafetšo. | <b>19–21</b><br>-Potšišo e arabilwe gabotse.<br>-Dikgopolo di a kgahliša ebile di sepelelana le hlogo/sererwa.<br>-Peakanyo le tlemagano ya dikgopolo ke tše dibotse mo go matseno, mmele le mafetšo. | <b>13–15</b><br>-Potšišo e arabilwe ka mo go kgotsofatšago eupša ga se ya hlaka gabotse.<br>-Tlemagano ya dikgopolo e a kgotsofatša ebile e a kgodiša.<br>-Peakanyo le tlemagano ya dikgopolo di a kgotsofatša mo go matseno, mmele le mafetšo. | <b>7–9</b><br>-Molekwa o tšwele tseleng.<br>-Dikgopolo di hlakahlakane.<br>-Ga go peakanyo goba tlemagano ya dikgopolo yeo e tšwelelago.                                     | <b>0–3</b><br>-Ga go bolelwe selo ka hlogo yeo e filwego.<br>-O tšwele tseleng kudukudu.<br>-Diteng ga di nepiše ebile di hlakahlakane.                                                    |

| POLELO, MONGWALELO<br>LE PALOBOHLATSE<br><br>Segalo, retšistara,<br>mongwalelo, tlotlontšu ya<br>maleba ya morero le<br>dikamano<br>Kgetho ya mantšu<br>Tirišo ya polelo le<br>melawana, maswao,<br>popopolelo le mopeleto<br><br>MEPUTSO YE 15 | Legato la godimo | 14–15                                                                                                                                                                                                                                                                                                                                                                                                      | 11–12                                                                                                                                                                                                                                               | 8–9                                                                                                                                                                                                                                                  | 5–6                                                                                                                                                                                                             | 0–3                                                                                                                                                                                                                   |
|-------------------------------------------------------------------------------------------------------------------------------------------------------------------------------------------------------------------------------------------------|------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------|
|                                                                                                                                                                                                                                                 |                  | -Segalo, retšistara, setaele le tlotlontšu di sepelelana kudukudu le morero, baamogedi le dikamano.<br>-Polelo ke ya boitshepo, ya go nona, ya maatlakgogedi.<br>-Polelo e na le segalo sa go ba le maatlakgogedi ebile e nonne ka mebolelwana ya go kgahliša.<br>-Go nyakile go se be le ge e ka ba phošwana e tee ya popopolelo le mopeleto.<br>-Polelo e beakantšwe ka bokgwari bja maemo a godimodimo. | -Segalo, retšistara, setaele le tlotlontšu di sepelelana gabotsebotse le morero, baamogedi le dikamano.<br>-Polelo e na le maatla, ya segalo sa maleba.<br>-Diphošo tša popopolelo le mopeleto ga se tše kae.<br>-Polelo e beakantšwe gabotsebotse. | -Segalo, retšistara, setaele le tlotlontšu di sepelelana gabotse le morero, baamogedi le dikamano.<br>-Tirišo ya maleba ya polelo e dira gore molaetša o kwagale.<br>-Segalo ke sa maleba.<br>-Mebolelwana e dirišitšwe go godiša boleng bja diteng. | -Segalo, retšistara, setaele le tlotlontšu di sepelelana gannyane le morero, baamogedi le dikamano.<br>-Tirišo ya polelo ke ya motheo.<br>-Segalo le mošito ga se tša maleba.<br>-Tlotlontšu ke ye nnyane kudu. | -Polelo ga e kwešišagale.<br>-Segalo, retšistara, setaele le tlotlontšu ga di sepelelane le morero, baamogedi le dikamano.<br>-Tlotlontšu ke ye nnyane kudukudu moo e lego gore e dira gore ditaba di se kwešišagale. |
| SEBOPEGO<br><br>Dinyakwa/Dipharologantšho tša setšweletšwa<br>Tšwetšopele ya ditemana le tlhamo ya mafoko<br><br>MEPUTSO YE 5                                                                                                                   | Legato la fase   | 13                                                                                                                                                                                                                                                                                                                                                                                                         | 10                                                                                                                                                                                                                                                  | 7                                                                                                                                                                                                                                                    | 4                                                                                                                                                                                                               | 0–1                                                                                                                                                                                                                   |
|                                                                                                                                                                                                                                                 |                  | -Polelo ya maemo a godimodimo ya go ba le segalo se maatla.<br>-Go nyakile go se be le ge e ka ba phošwana e tee ya popopolelo goba mopeleto.<br>-Polelo e beakantšwe ka bokgwari.                                                                                                                                                                                                                         | -Polelo ke ya maemo a godimo ya go ba le maatlakgogedi.<br>-Segalo ke sa maleba sa go ba le maatlakgogedi.<br>-Diphošwana tše nnyane tša popopolelo le mopeleto.<br>-Polelo e beakantšwe gabotse.                                                   | -Tirišo ya polelo e a kgotsofatša eupša e na le diphošo.<br>-Segalo se a kgotsofatša eupša mebolelwana ga se ya dirišwa o kaalo.                                                                                                                     | -Polelo ga e kgotsofatše.<br>-Ga go phapantšho ya mafoko.<br>-Tlotlontšu ga se ye kaalo.                                                                                                                        |                                                                                                                                                                                                                       |
| SEBOPEGO<br><br>Dinyakwa/Dipharologantšho tša setšweletšwa<br>Tšwetšopele ya ditemana le tlhamo ya mafoko<br><br>MEPUTSO YE 5                                                                                                                   |                  | 5                                                                                                                                                                                                                                                                                                                                                                                                          | 4                                                                                                                                                                                                                                                   | 3                                                                                                                                                                                                                                                    | 2                                                                                                                                                                                                               | 0–1                                                                                                                                                                                                                   |
|                                                                                                                                                                                                                                                 |                  | -Tšwetšopele ya sererwa ke ya maemo a godimodimo.<br>-Tlhalošo ya dikgopolo ke ya maemo a godimodimo.<br>-Tlhamo ya mafoko le ditemana ke ya go ikgetha, ya maemo a godimodimo.                                                                                                                                                                                                                            | -Tatelano ye botse ya tšwetšopele ya dintlha.<br>-Tlemagano ye botse ya dintlha le dikgopolo.<br>-Mafoko le ditemana di beakantšwe ka makgethe.                                                                                                     | -Dintlha tša maleba di tšweleditšwe.<br>-Mafoko le ditemana di hlamegile gabotse.<br>-Taodišo e a kwagala.                                                                                                                                           | -Dintlha tša maleba ga se tše kae.<br>-Mafoko le ditemana di na le diphošo.<br>-Taodišo e a kwagala eupša e na le mafokodi.                                                                                     | -Dintlha tša maleba ga di gona.<br>-Mafoko le ditemana di fošagetše.<br>-Taodišo ga e kwagale.                                                                                                                        |

**KAROLO YA B: RUBRIKI YA GO SWAYA DITŠWELETŠWA TŠE TELELE TŠA TIRIŠANO [MEPUTSO YE 25]**

| <b>Dinyakwa</b>                                                                                                                                                                                                | <b>Bokgoni bja go ikgetha</b>                                                                                                                                                                                                                                                                                                                                                                                                                                  | <b>Bokgoni bja maemo</b>                                                                                                                                                                                                                                                                                                                                                       | <b>Bokgoni bja magareng</b>                                                                                                                                                                                                                                                                                                                                             | <b>Bokgoni bja motheo</b>                                                                                                                                                                                                                                                                                                                                                                                                            | <b>Ga go bokgoni</b>                                                                                                                                                                                                                                                                           |
|----------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>DITENG, PEAKANYO LE SEBOPEGO</b><br><br>Go araba dipotšišo le dikgopolo<br>Tatelano le peakanyo ya dikgopolo<br>Morero, baamogedi, dinyakwa/dipharologantšho le dikamano<br><br><b>MEPUTSO YE 15</b>        | <b>13–15</b><br><br>-Bokgoni bja go araba potšišo ke bja maemo a godimodimo go fetiša.<br>-Dikgopolo ke tša go laetša bohlahe, le go hlohla mabjoko.<br>-Tsebo ke ye e tseneletšego ya dinyakwa tša mohuta wa setšweletšwa.<br>-Ditaba di nepiša setšweletšwa thwi.<br>-Tlemagano ya diteng le dikgopolo ke ya maemo a godimo.<br>-Tlhalošo ya ditaba ke ya maemo a godimo ebile e thekga sererwa.<br>-Sebopego ke sa maleba sa go sepelelana le setšweletšwa. | <b>10–12</b><br><br>-Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa.<br>-Ditaba di nepiša setšweletšwa.<br>-Molekwa ga se a tšwa tseleng.<br>-Tlemagano ya diteng le dikgopolo ke ye botse.<br>-Tlhalošo ya ditaba ke ye botse ebile e thekga sererwa.<br>-Sebopego ke sa maleba eupša se na le diphošwana di se kae. | <b>7–9</b><br><br>-Bokgoni bja go kgotsofatša bja go araba potšišo bja go laetša tsebo ya mohuta wa setšweletšwa.<br>-Go na le nepišo eupša go na le go tšwa tseleng gannyane.<br>-Tlemagano ya dikgopolo le dikamano e a kgotsofatša.<br>-Tlhalošo ya ditaba e a kgotsofatša ebile e thekga sererwa.<br>-Sebopego ke sa maleba eupša se na le diphošo tše dintšinyana. | <b>4–6</b><br><br>-Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa.<br>-Go na le nepišo ye nnyane ya setšweletšwa eupša go na le go tšwa tseleng.<br>-Tlemagano ya diteng le dikgopolo ga se ye kaalo.<br>-Tlhalošo ya ditaba ke ya motheo ebile e thekga sererwa gannyane.<br>-Melao ya sebopego ga se ya šomišwa ka tshwanelo.<br>-Go tlogetšwe dintlha tše bohlokwa. | <b>0–3</b><br><br>-Karabo ya gagwe ga e laetše tsebo le ye nnyane ya mohuta wa setšweletšwa.<br>-Molaetša ga o tšwelele gabotse ka ge molekwa a tšwele tseleng kudukudu.<br>-Ga go tlemagano ya diteng le dikgopolo.<br>-Ditaba di hlalošwa gannyane.<br>-Sebopego sa setšweletšwa ga se sona. |
| <b>POLELO, SETAELE LE PALOBOHLATSE</b><br><br>Segalo, retšistara, setaele, morero, baamogedi le dikamano<br>Tirišo ya polelo le melawana<br>Kgetho ya mantšu<br>Maswao le mopeleto<br><br><b>MEPUTSO YE 10</b> | <b>9–10</b><br><br>-Segalo, retšistara, setaele le tlotlontšu di sepelelana gabotsebotse le morero, baamogedi le dikamano.<br>-Polelo e nepagetše ebile e hlamegile gabotse.<br>-Go nyakile go se be le ge e ka ba phošwana e tee ya popopolelo le mopeleto.                                                                                                                                                                                                   | <b>7–8</b><br><br>-Segalo, retšistara, setaele le tlotlontšu di sepelelana gabotse le morero, baamogedi le dikamano.<br>-Polelo ga e na diphošo tše kaalo tša popopolelo ebile e hlamegile gabotse.<br>-Tlotlontšu ke ye ntši.<br>-Diphošo ga se tše dintši.                                                                                                                   | <b>5–6</b><br><br>-Segalo, retšistara, setaele le tlotlontšu di sepelelana le morero, baamogedi le dikamano.<br>-Diphošo tša popopolelo ga se tše dintši.<br>-Tlotlontšu ke yeo e lekanetšego.<br>-Diphošwana tšeo di lego gona ga di fetoše molaetša.                                                                                                                  | <b>3–4</b><br><br>-Segalo, retšistara, setaele le tlotlontšu ga di sepelelane gabotse le morero, baamogedi le dikamano.<br>-Popopolelo ga se yeo e nepagetšego ebile e tletše ka diphošo.<br>-Tlotlontšu ga se ye ntši.<br>-Molaetša o a tšwelela eupša o arošitšwe.                                                                                                                                                                 | <b>0–2</b><br><br>-Segalo, retšistara, setaele le tlotlontšu ga di sepelelane le morero, baamogedi le dikamano.<br>-Sengwalo se tletše ka diphošo ebile se hlakahlakane.<br>-Tlotlontšu yeo e lego gona ga e sepelelane le morero le gannyane.<br>-Molaetša ga o tšwelele le gannyane.         |

**ELA HLOKO:**

- Dintlha tšeo di filwego ka tlase ga hlogo ye nngwe le ye nngwe ke tša go hlahla baswai fela.
- Kwešišo ya molekwa ya hlogo yeo a e kgethilego e elwe šedi le ge dintlha tša gagwe di fapana le tšeo di filwego.

**KAROLO YA A: DITAODIŠO****POTŠIŠO YA 1**

Balekwa ba ngwale taodišo ya mantšu a 400 – 450 ka hlogo e tee ya tšeo di filwego. Ba ka ngwala ka mehuta ye e latelago ya ditaodišo: Taodišokanegelo, taodišotlhaloši, taodišokgadimo, taodišokahlaahlo, taodišongangišano goba tswalano ya tšona.

**1.1 Tšatšing leo, ke ile ka botšwa tsebe go kwa.**

Go letetšwe gore molekwa a ngwale ka tiragalo yeo e diregilego ka letšatši leo. Ke eng seo a se boditšwego? O ithutile eng ka morago ga go botšwa seo?

**[50]****1.2 Go keteka kgwedi ya Afrika**

Go letetšwe gore molekwa a laetše bohlokwa goba go se be bohlokwa ga kgwedi ya Afrika le gore e ketekwa neng. Ditiragalo le morero wa kgwedi yeo di ka laetšwa.

**[50]****1.3 Boeti ke mothopo wa kgodišo ya ekonomi.**

Go letetšwe gore molekwa a tšweletše ka moo boeti bo lego bohlokwa ka gona kgodišong ya ekonomi.

**[50]****1.4 2020, ruri wa bo fetoša bophelo!**

Go letetšwe gore molekwa a ngwale ka fao ditiragalo tša ngwaga wa 2020 di fetošitšego bophelo ka gona.

**[50]****1.5 Thuto ya godimo ya go se lefelwe**

Go letetšwe gore molekwa a laetše ka mokgwa wo thuto ya go se lefelwe e ka tlišago diphetogo setšhabeng: Mohlala: Batho ba ka rutega ka bontši, bodiidi le bosenyi di ka fokotšega, maemo a ekonomi a ka kaonafala, bj.bj. Ka lehlakoreng le lengwe e ka hlola bobodu go baithuti bao ba sa lefego.

**[50]****1.6 Dikgetho tša Masepala di ka tliša tharollo ya mathata a kabo ya ditirelo.**

Go letetšwe gore molekwa a tšee lehlakore la go dumela goba la go ganetša. Lehlakoreng la go dumela a laetše ka mo dikgetho di ka tlišago tharollo ka gona go aba ditirelo tša motheo bjalo ka meetse, mohlagase, dintlo, kelelatšhila bj.bj.

Lehlakoreng la go ganetša a laetše ka mo dikgetho di ka se tlišego diphetogo ka gona ka ge di hlwa di e ba gona eupša go sa be le diphetogo gobane go sa latelwe ditshepišo tše di dirwago nakong ya masolo a dikgetho.

**[50]**

1.7 Tlhathollo ya ditšweletšwa tša go bonwa e akaretša mehuta ya ditaodišo ka moka

- Molekwa o ikgethela seswantšho gomme a ngwala taodišo ka mohuta woo a o nyalantšhago le seswantšho seo.

1.7.1 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. A hlaloše bohlokwa bja mmimo le meaparo ya setšo go hlomphe setšo le ditlwaello. [50]

1.7.2 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. A hlaloše ka basadi mešomong ye e bego e tsebega e le ya banna fela. [50]

**PALOMOKA YA KAROLO YA A:**

**50**

## **KAROLO YA B: DITŠWELETŠWA TŠA TIRIŠANO**

### **POTŠIŠO YA 2**

#### **2.1 LENGWALO LA SEMMUŠO (LA BOIPELAETŠO)**

##### **Mohlala mabapi le diteng tša sererwa:**

Go letetšwe gore molekwa a laetše go se kgotsofalele boleng bja dieta tšeo a di rekilego. Diteng di akaretše boipelaetšo le gore o holofetše eng go tšwa go molaodi.

##### **Sebopego le diponagalo/dinyakwa**

- Sebopego le botelele e be tša maleba.
- Diatrese e be tše pedi, e lego ya mongwadi le moamogedi.
- Letšatšikgwele le ngwalwe ka fase ga atrese ya moromedi.
- Hlogo yeo e lego mabapi le boipelaetšo e be ka fase ga diatrese.
- Madume/matseno a makopana a semmušo.
- Diteng e be tša maleba tša go laetša boipelaetšo.
- Retšistara le polelo e be tša semmušo.
- Segalo e be sa maleba.
- Tšhomišopolelo, tlotlontšu le maswaodikga e be tše di nepagetšego.
- Mafelelo/bofelo e be boitsebišo bja mongwadi ka botlalo. Mohlala:  
Ke nna/Wa lena.  
Madumetša Rapholo/M Rapholo.

**[25]**

## 2.2 EMEILE

Downloaded from eduresourceza.com

**Mohlala mabapi le diteng tša sererwa:**

Go letetšwe gore molekwa a laetše kgopelo ya phapošeborutelo le ditlabakelo tšeo ba tlogo di šomiša nakong ya go ithuta.

**Sebopego le diponagalo/dinyakwa**

- Sebopego le botelele e be tša maleba.
- Atrese ya emeile ya moromelwa
- Hlogo yeo e laetšago lebaka la go romela emeile.
- Madume/matseno e be a makopana a semmušo.
- Diteng e be tša maleba tša go kgopela phapoše ya borutelo le ditlabakelo tša go ithuta.
- Retšistara le polelo e be tša semmušo.
- Segalo e be sa maleba.
- Tšhomišopolelo, tlotlontšu le maswaodikga e be tše di nepagetšego.
- Mafelelo/bofelo e be boitsebišo bja mongwadi ka botlalo. Mohlala:  
Ke nna/Wa lena  
Marwala Mphahlele/M Mphahlele

**Mohlala wa Emeile:**

|                                                                                                                                                                                                       |
|-------------------------------------------------------------------------------------------------------------------------------------------------------------------------------------------------------|
| Go ya go: emeile ya moromelwa (Hlogo ya sekolo)                                                                                                                                                       |
| Hlogo: Lebaka la emeile.                                                                                                                                                                              |
| Madume: Laetša tlhompho (bjalo ka Mohlomphegi)<br>Mmele: Diteng tša emeile <ul style="list-style-type: none"> <li>• Matseno</li> <li>• Hlaloša ditaba ka botlalo</li> <li>• Thumo/ Mafetšo</li> </ul> |
| Lefoko la go tswalela:                                                                                                                                                                                |

[25]

## 2.3 TŠA BOPHELO BJA MOHU

**Mohlala mabapi le diteng tša sererwa:**

Go letetšwe gore molekwa a bontšhe gore mohu e be e le kgoši. Go laetšwe maikarabelo a gagwe setšhabeng. Go ngwalwe ka motho wa boraro, ka lebaka le le fetilego.

**Sebopego le diponagalo/dinyakwa**

- Leina le sefane sa mohu
- Batswadi ba mohu
- Lefelo leo mohu a belegetšwego go lona.
- Letšatši la matswalo a mohu
- Dithuto tšeo mohu a di fihleletšego.

Downloaded from eduresourceza.com

- Ditiro tše botse le tša go kgahliša tšeo mohu a gopolwago ka tšona bogosing bja gagwe.
- Letšatši leo a hlokošetšego ka lona.
- Seo se hlotšego lehu la gagwe.
- Meloko ya kgauswi yeo mohu a e tlogetšego.
- Lefoko la taelo. Mohlala:  
Mohu a ka laelwa ka sereto.
- Retšistara le polelo e be tša go hlompha.
- Tšhomišopolelo, tlotlontšu le maswaodikga e be tše di nepagetšego.
- Molekwa a se ngwale ka motho wa pele.

[25]

## 2.4 POTŠIŠOTHERIŠANO

### Mohlala mabapi le diteng tša sererwa:

Go letetšwe gore molekwa a bontšhe dipotšišo le dikarabo gare ga mmotšiši le mmotšišwa. Tšona di akaretše mabaka a go kgopela thušo le go fahlela gore ke ka lebaka la eng thušo e swanetše go fiwa yena le maikemišetšo a gagwe.

### Sebopego le diponagalo/dinyakwa

- Go šomišwe dithekniki tša potšišotherišano.
- Go be le mmotšiši le mmotšišwa.
- Go fiwe maina a diboledi ka lehlakoreng la ngele la letlakala.
- Go šomišwe mothaladi wo mofsa go laetša seboledi se sengwe le se sengwe se sefsa.
- Mmotšišwa a hlohlwe ka go botšišwa dipotšišo tša go lebana le thušo ya mašeleng yeo a e kgopetšego.
- Go šomišwe dithekniki tša potšišotherišano go ya ka magato a a latelago:
  - Matseno, e lego boithalošo, a tšweletše morero.
  - Kwešišano le kamogelano e be tša go hlola moya wa go tshepana.
  - Mmotšiši a botšiše dipotšišo go thoma ka tša kakaretšo go ya go tša go ikgetha.
  - Dipotšišo e be tša maleba, go šomišwe polelo ya go hlamega, ya go laetša šedi le go hlohleletša.
- Mmotšišwa a arabe ka bokgwari go laetša tsebo.

[25]

## 2.5 PEGO

### Mohlala mabapi le diteng tša sererwa:

Go letetšwe gore molekwa a ngwale pego mabapi le tlhohleletšo ye barutwana ba e hweditšego go ba Kgoro ya Thuto.

### Sebopego le diponagalo/dinyakwa

- Go be le hlogo/Sererwa.
- Go tšweletšwe boithekggo.
-

- Go laetšwe leina la moamogedi le mmegi. Mohlala: E ya go: E tšwa go: le atrese ge go hlokega.
- Letšatšikgwele le laetšwe.
- Diteng di lebane thwii le tabakgolo. Mohlala: Go begela batswadi ka tlhohleletšo ye barutwana ba e hweditšwego.
- Go ngwalwe ka lebaka le le fetilego.
- Go šomišwe mahlaodi le mantšu ao a tsošago maikutlo go tšweletša dikgopolo.
- Retšistara le polelo e be tša semmušo.
- Tšhomišopolelo, tlotlontšu le maswaodikga e be tše di nepagetšego.
- Mmegi a laetše ditšhišinyo mabapi le tlhohleletšo ye barutwana ba e filwego.

[25]

## 2.6 ATHIKELE (TAODIŠWANA) YA KURANTA

### Mohlala mabapi le diteng tša sererwa:

Go letetšwe gore molekwa bjalo ka moeletši wa kuranta a laetše ditlamorago tša go se latele melawana ya *Covid-19*.

### Sebopego le diponagalo/dinyakwa

- Go be le hlogo/Sererwa.
- Leina la mmegi
- Dintlha di fiwe ka boripana le ka nepagalo ntle le go kgopamiša nnete.
- Go ngwalwe ditaba tše bohlokwa fela.
- Diteng di be mabapi le masetlapelo ao a ka welago batho ba go se apare diširankolemolomo.
- Taodišwana/athikele e kgaleme e be e eletše mmadi.
- Retšistara le polelo e be tša maleba.
- Tšhomišopolelo, tlotlontšu le maswaodikga e be tše di nepagetšego.

[25]

PALOMOKA YA KAROLO YA B:

50

PALOMOKA YA TLHAHLOBO:

100